





瑞鶴堂近稿



七言律

主公問與海濱人  
春書

白雲同明卿明遠樓小集分秋字



握手同登湖上樓  
西山百折控南州  
尊前

萬樹低紅日  
濤際孤帆起  
白鷗乘興未須

悲往迹放歌聊得壯  
茲遊中原鼓角連  
滄

海楚客魂銷不待秋  
林

土谷



湖上飛樓插絳河登高無柰客愁多風塵  
此地容携手景物千秋起放歌左蠡寒濤  
當檻落西山踈雨近人過惟應道帝子憐  
詞賦不遣孤臣憶汨羅  
對平題匡南別館西山百林川樓仙掌前  
白雲高館闢城闈落日雕闌瞰水濱竹裏  
停驂曾問主松間舞鶴鮮窺人著書劉向  
今誰識作賦相如晚見親斗酒未應妨世

路西來山色坐嶙峋

送萬履菴提學赴貴州

牂牁萬里瘴雲橫驄馬翩翩壯此行八表  
車書寧外服兩階干羽自南征清宵倚劇  
心仍烈碧嶂褰帷賦更成極目遙天雙鵠  
杳送君江上若爲情

贈劉一峇布政山西

幾年青瑣抗孤忠分陝今看斧鉞雄萬里



金湯須保障 九重宵旰倚從容 太行落日邊烽合 廣武黃雲戰地空 轉餉總歸蕭相 畫橫戈 寧數貳師功

送朱春城守師宗

六年別去卧淮陽 忽到衙門喜欲狂 共惜一麾淹下邑 重乘五馬向夷方 南州落日開尊酒 北極浮雲渺帝鄉 今代如君真卓魯 漢家青史幾循良

對雪寄明卿時主白鹿

郢曲當年和者稀 懷君况值雪仍飛 九江日落幾回首 五老峰高獨振衣 寥寂梅花憐歲改 飄零卮酒慰心違 諸生應有游楊侍 燕坐橫經暮未歸

答

雪滿匡山歲欲除 斷鴻江上故人書 慚隨郢客酬高調 只學袁生卧敝廬 章浦月寒



悲獨酌楚峰雲合悵離居那能更折梅花  
寄一夜傷春旅髮踈

夜過妙濟宮偶題二首

窈窕琳宮紫霧深獨携明月慰幽尋  
秋迴鐵柱江濤斂雲鎖瑤函石室陰  
拔宅尚餘鷄犬跡步虛何處珮環音  
由來靈境堪招隱人世誰能早謝簪

其二

絳節朝元應未歸洞天深夜轉霏微  
千尋碧甃霜華肅幾院清砧月色依  
空復玉隆垂宿讖誰從金液啓玄機  
瘡痍滿地俱蛟蜃安得真人一劍飛  
別吳自湖叅知東廣  
芙蓉江上鴈初鳴尊酒相將此日情  
海內瘡痍虛藥石嶺南父老候旂旌  
參差雲樹書仍渺荏苒風塵歲易更  
聞道羅浮堪吏



隱知君雅志在蒼生  
贈恭順侯還朝

獨持絳節返瑤京  
寶劍凌霜萬里行

楚江飛葉淨參差  
滕閣暮雲橫儀文此日

隆周典帶礪當年列  
漢盟愛汝讀書仍抱

武即看吳起蚤馳聲

對雨懷明卿

章門柳色未全舒  
日日愁霖悵索居廬嶽

暮雲停萬峽楚江春  
浪失雙魚蒼生不盡

陵陽淚宣室能忘賈  
誼書趨府豈應妨述

作看山支笏興何如

寄王圖南給事

漢苑音書久未傳  
薊門楊柳迥堪憐

誰慰蒼生望獻納  
今看青瑣賢國計况

逢多事後物情猶畏  
十年前滄江萬里餘

踈放矯首金莖北斗  
懸



喜凌洋山少叅至省凌時往金陵督  
帳望春雲江上樓旌旄又喜到南州題詩  
總是論兵地擁傳燕能衣錦遊白雪故人  
寧自慰黃金世路轉堪憂東湖芳草依然  
色伐木于今不易求

奉送少司寇馬公  
南國旌旄問俗頻遙看劍履入楓宸祥刑

自昔歸元老法從先應列近臣柳色故深  
千里別棠陰仍護萬家春  
宵衣前席求民隱此日中原事事新

樓成僻地聊藏拙日日登臨興不窮座擁  
羣山飄秀色簾開六月洒冷風簷前燕雀  
無勞賀席外圖書僅可容何處斗牛橫紫  
氣不妨高卧擬元龍



送陳副使入覲

霜落章門歲漸寒  
揚旌萬里入長安  
紫霄新覩蓬萊闕  
畫省重彈獬豸冠  
大漠邊聲猶跋扈  
中原民力轉艱難  
君才况復蕪文武  
畫笏能令聖主懽

寄明卿時歸武昌

秋風憶爾轉淒涼  
談笑何人復楚狂  
慘淡浮雲迷五老  
飄零白雪渺三湘  
醉來擊筑

仍誰和事往  
懷沙祗自傷  
此日風塵堪卧  
閣長孺應不薄  
淮陽

送李給事還朝

飛揚六傳向承明  
萬里秋風動使旌  
碧落已驚天馬步  
紫宸重聽鳳凰鳴  
江淮百戰初聞捷  
遼海諸羌尚論兵  
明月掖梧焚草  
暇新題能寄豫章城

寄荅范東明中丞二首



細柳春深列戟雄  
天南金鼓振長風  
幕中文武千夫選  
嶺外烟塵萬里空  
孺子宅荒芳草合  
鬱孤臺迥暮雲叢  
山川矯首情何限  
每值登臨憶庾公

其二

中丞高誼幾人如  
尺素仍過仲蔚居  
謝俗祇堪三徑裏  
懷人聊寄四愁餘  
行藏久愧青藜杖  
勲業終歸黃石書  
聞道臨戎多雅詠  
翩翩紫氣射匡廬

送蔣少厓赴潯州倅

使君擁傳蒼梧去  
把酒長歌意氣雄  
萬里佩刀橫落日  
千家杼軸盡秋風  
乾坤震盪黃塵裏  
岐路蒼茫白羽中  
遲爾賢嚴遙慰籍  
蒹葭江上候飛鴻

送余憲副入賀

蓬萊雲氣滿金莖  
汝捧瑤函萬里行  
四海



流離誰問俗七閩蕭瑟尚屯兵黃金未逐  
時人畏白雪能令異代驚楊柳故園今暫  
別停杯何處不含情

附江上覽匡南斗西贈蕭賦答 午渠  
玉芝長媚萬年春金鑑遙聞百代臣豈謂  
淺才能有述故投高詠轉相親青雲半入  
梁園侶白雪誰爲郢里人掛席浩歌還欲  
住水光山色淨無塵

寄趙萬舉叅知

羽檄頻年尚未休斑衣歸去自林丘曲肱  
不逐鷓鴣侶散髮應同鹿豕遊明月關山  
懸兩地暮雲詩句隔三秋相思最是梅花  
發携醉誰乘雪夜舟

寄梁思伯中書

西風夜夜聞啼鴈不見長安一札傳伏枕  
芙蓉秋易晚啣杯蓂桂月空圓黃塵列郡



兵戈滿落日千村杼柚懸何處山林堪避  
世側身天地意茫然

寄余德甫副使

海上風濤日日驚鴻來重荷故人情自憐  
多病惟高枕敢有時才效請纓宵旰尚聞  
勞聖主韜鈴况復付書生羨君攬轡仍  
談劍坐見潢池次第清

答

午渠

聞君經歲病自不廢詩情寄我相思曲鏗  
然金石聲建安標七子大曆遡羣英他日  
山窓夜篝燈取次評

青山入我戶如見故人來招隱勞詩句深  
交負酒杯野塘應自釣玄圃為誰開試問  
遼東鶴堦前日幾迴

九月八日登高懷陳山人

振衣百雉俯蒼茫吹帽西風萬里狂佳節



喜看晴色裏美人况在水中央霜明曲水  
丹楓綴日落高天白鴈翔更憶仙帆挂南  
浦欲携尊醕對重陽 答 海樵

章門客靜暮停車風物蕭蕭落木餘家遠  
每憐書有鴈途窮何媿食無魚天香縹緲  
淮王樹丹閣宮堯 帝子居十里灘聲半  
窓雨懷人西望正愁予

酬象岡中丞見寄

鳳凰臺畔柳條新千里馮高共愴神畏路  
兵戈仍白羽故山松桂自青春流言豈解  
移 明主宿望終應繫老臣卮酒笑談頻  
在眼肯令魚素隔風塵  
奉寄侍郎傳公  
故人一別幾經春綠野風神入夢頻千里  
暮雲仍繾綣三湘白雪漸沉淪謝安已注  
蒼生望汲直元堪社稷臣欲奉清遊更何



地滄江明月自垂綸

寄懷涂任齋兵憲

彭蠡濤聲日夜清  
芝山秋色倚崢嶸  
閭闔未數番  
君政樽俎應歸范  
老兵歷亂蒹葭  
遠一水蕭森楊柳墮  
孤城舊遊尊酒多  
離索不盡登臺此日情

九日感懷得今字

九日登臨白露深  
蕭蕭飛葉楚城陰  
中原

秋色來鴻鴈南浦朝雲自古今  
故侶飄零千里隔年華  
荏苒二毛侵紫萸  
醉把情何限極目蒹葭祗獨吟

寄曾雙羅縉部

金陵烟月歎離羣  
秋色那能不憶君  
水國蒹葭來白鴈  
故鄉烽火散黃雲  
江南蕭瑟還誰賦  
天外音書久未聞  
千里青楓搖落盡  
啣杯何日細論文



附

雙羅

別却淮南又幾年  
小山叢桂夢依然  
題詩有客曾傳素  
載酒何人更問玄  
眼底風塵愁燕雀  
望中滄海入雲烟  
章江春水浮天地  
惆悵襟期范蠡船

歲晏感懷

歲晏栖遲幽思多  
生涯聊卧白雲阿  
向人獨鶴蕭蕭舞  
近水輕鷗片片過  
未有還丹

生羽翰欲從大雅論  
江河風塵携手今何  
似梁甫吟成祗自歌  
入於北窗水滸亭  
焚冰雪夜吞六亭見懷  
深雪坐來蕭疎中  
萬里彤雲夜色深  
江山何處對知音  
飄零玉笛梅花亂  
縹緲銀河鴈字沉  
孤棹難乘溪上興  
故人能問郢中吟  
紫薇百尺凌霄漢  
誰識元龍獨卧心  
門對山外  
立春後一日對雪簡吳峻伯廉訪



雲氣西來失翠微  
白沙縹緲萬鳴歸  
梅花笑夕春風遍  
楊柳千門曙色依  
對酒欲携驄馬伴  
開簾似曳玉人衣  
憐君久抱朱絃曲  
楚國陽春和轉稀  
萬里六亭舟中餞  
梁中翰歸省得清字  
楚水維舟歲欲更  
離筵飛雪坐來清  
乾坤高會憐今夕  
海嶽何人繼此聲  
冰斲羣鴻迷別渚  
雲深孤角傍寒城  
酒闌無限中原

思徙倚雙龍斗氣橫

附陳叅伯招携章江夜泛偕匡南斗

西二詞宗張五岳山人分韻得龍字

浮山

雲擁匡廬幾萬重  
清宵東泛雪溶溶  
長江共賦應音賞  
四海知音豈易逢  
歌罷舟邊頻放鶴  
醉餘天外競呼龍  
相思他日來南浦  
歲暮當憐白社蹤



早春卓戶部招飲同六亭

水郭晴烟芳草生  
高齋春色鳥初鳴  
追隨總是青雲侶  
懶慢難齊白雪聲  
賴有琴尊供暇日  
欲從江海謝塵纓  
醉來未覺更銀燭  
湖上踈鐘聽轉清

寄懷皇甫子循

閭門楊柳漸紛紛  
飄泊瑤華倍憶君  
芳草乍牽千里夢  
歸鴻欲度五湖雲  
子山舊賦

江南滿玄晏  
新菡海內聞  
擬放扁舟共招  
隱舉杯常對白鷗羣

谷

百泉

虛左歸來歲月侵  
侯嬴猶感結交心  
洪都客散滕王閣  
白社誰招慧遠林  
樂善一春頤玉體  
題詩千里惠瑤音  
忘憂柳色今何似  
攀折東風恨不禁

東園同一齋過止園觀牡丹即事二首



東風携客過芳園國色仙姿總不繁春服  
傍花乘逸興主人虛榻具清尊霞房窈窕  
藏吟社雲木陰森隔市喧此地自應消一  
醉坐忘纖雨入黃昏  
其二  
鈿蟬金鴈奏新絃憶昔聽歌忽廿年絳萼  
最宜踈檻雨綺筵重對曲池烟謫仙曾擅  
清平調狂客誰當白雪篇塵世幾人能息

駕五陵車馬自翩翩

遊南壇偶成一首

徑轉朱壇落日遙春雲臺榭鎖空寥群松  
裊霧團蒼蓋萬竹含風倚絳霄陳迹已隨  
陵谷改壯遊空向歲華消真憐此地堪遺  
世何用淮南桂樹招

覽勝樓小集得寒鳧二字

把酒飛樓夕照殘風烟萬里盡馮闌使君



獨抱凌雲思，狂客能留竟日。懽翠壁遠含  
平楚，淨白沙晴擁大江。寒西來爽氣橫千  
仞，醉倚雙龍亦壯觀。

蘇公其二

繡栱疎簾入畫圖，登臨落日重携壺。千山  
鴻鴈悲風下，十里蒹葭暝色孤。彩筆縱橫  
驚倚馬，紫霄寥廓駐飛鳧。風流萬古還江  
漢，何事人間說畏途。

同用悔姪携酒訪德甫得開字

片雲不散豫章臺，雙騎逶迤問字來。風雨  
一尊堪汝共，求羊三徑為誰開。吏情已傍  
滄洲謝世路，何妨白壁猜。此夜狂歌異燕  
市，群愁俱付掌中杯。

贈林少叅復之滇中

六年分手重相思，此日逢君鬢欲絲。岐路  
可堪兵火後，酒杯又值別離時。古來賢達



似多難老去文章更不羈  
金馬碧鷄天萬里  
秋風鳴訊肯令遲

同午渠小集益齋得林字

幽庭碧樹晝陰陰  
細雨紛披首夏臨  
滿架懸籤堪歲月  
幾人高枕共山林  
侵階苔色拋金甲  
繞澗泉聲瀉玉琴  
但遣引杯論故舊  
無須端策問升沉

賦得西山峇李洪西提學見懷

西山佳氣鬱叢霄  
有客抽簪卧寂寥  
丹鼎九還誰問訊  
白雲千載自堪謔  
霞飛幽壑迷金檢  
月落空壇隱玉簫  
枉沐高吟訂烟水  
聊將燕石報瑤瑤

送陳于韶還蜀二首  
自峇取鳳千  
萬井垂楊雨色昏  
可堪南浦對離尊  
乾坤獨洒孤臣淚  
江漢偏銷逐客魂  
束帶陶潛仍粟里  
挂冠梅福又都門  
蒼茫白帝高天



外托腕何年復共論

其二

不盡滄江日夜流  
故人惜別暫維舟  
漢庭蕙苾還誰問  
楚澤蘭荃好自求  
迴鴈千峰春樹隔  
吟猿三峽暝雲愁  
天涯顏色無嗟遠  
紫氣長看傍斗牛

集德甫江閣二首

閣外烟濤已太奇  
西來山色更參差  
幾看

世眼浮雲過一咲  
芳尊白日移  
鼓柁自齊  
漁父伴揮毫  
俱是郢人詞  
縱橫萬象餘  
高枕不問長安似  
奕棋

其二

尊開江檻坐來空  
此會風塵未易同  
彭蠡  
斷雲過白鴈  
楚城踈雨浥丹楓  
豈應龍劍  
沉豐獄信有蛾眉  
在漢宮  
一曲廣陵君自  
惜千秋碣石幾人雄



谷方此部

玉樹看君英妙年詞壇揮藻日翩翩  
城白雪聲初振五老春雲夢欲牽  
短髮謾憐時序改狂歌翻畏世人傳  
何當問訊東湖曲錯擬幽栖並草玄

贈

虛谷

博雅誰如間代才枝流原自漢家來  
百篇爭覩陽春句一榻高隣孺子臺  
看竹清陰

餘杖几焚香淨日坐莓苔相思不及東湖  
水夢遶匡廬夜幾迴

雨後有作呈友人

片雨纔過暑氣偏高齋夢破始聞蟬  
懶拋書卷窺園後老逐年華攬鏡前  
陳迹未須悲逝水微名何異等浮烟  
與君共屬艱難日好理東臯種秫田

寄贈新樂王



十二東秦列大藩  
應劉况復滿西園  
青藜高燭圖書敞  
紫氣遙臨海岱尊  
萬里暮雲停日觀  
千峰秋色洒天門  
眼中博雅還誰並  
玉麈何由促席論  
南浦夜集送吳使君還邵武  
雲浮南浦晝長陰  
五月江門暑未侵  
計吏風塵聊駐馬  
故人尊酒一開襟  
星辰不散高天色  
山岳寧移末路心  
回首七臺霞氣

迥獨憑龍劍  
傍誰吟

吳子充持白石書至即席贈此

華髮中原幾壯遊  
擔簦垂老問南州  
曳裾未傍諸王第  
擗管先追七子流  
鐵柱陰森明月夜  
龍沙搖落白雲秋  
與君一醉鸕鷀杓  
何似悲歌易水頭

九月十五夜偕友人小酌

萬里明河片月浮  
尊開此夜即中秋  
故人



已謝青雲隱豪客誰當白壁投老去詩篇  
從月旦古來丘壑自風流却慚蔣徑荒蕪  
甚賴得過逢二仲遊

寄題李于鱗白雪樓二首

層樓百尺枕天風白雪驚人字字雄日觀  
憑陵來紫氣龍門黯淡跨青虹未論遷史  
探竒早轉見長卿作賦工偃蹇楚江垂釣  
者清秋吟望思無窮

其二

投簪東海罷傳經高臥猶窺太乙星百代  
江河垂片語二儀風雨走群靈騷壇跋扈  
誰堪步郢國悲歌只自聽安得振衣華不  
注扶搖萬里白雲停

寄黎惟敬

燕臺極目五雲深萬里西風易水陰染翰  
近承丹鳳詔支頤遙動碧山吟著書不廢



千秋事操瑟仍憐異代心他日烟霞應握  
手采芝靈嶠鍊黃金

卷

瑤石

長安留滯歲將陰芳草王孫愴客心解佩  
不辭湘水遠采芝思就岳雲深黃金誰重  
登臺價白雪爭傳絕代音垂老敢言疲執  
戟桂叢千里負招尋

幽棲

幽棲白日供高枕睡起庭前落葉多二頃  
已荒空舊業一丘雖陋足行窩年華自咲  
雕虫技塵世誰憐楚鳳歌湖海但令殊徼  
在眼中人事任蹉跎  
除夕寫懷  
九衢燈火拂晴烟何處樓臺度管絃忽有  
春風回淑氣即看雲色兆豐年踈梅堪伴  
林園僻濁酒都忘歲序遷此日江湖真萬



里栴花誰頌 紫宸前

春風送李少偕入燕李頗耽詩時六子之  
羽檄縱橫嶺霧深幾年岐路隔飛沉孤舟  
忽傍江門雨六月重逢楚水陰白日轉憐  
更僕語黃金堪斲故人心騷壇諸子今搖  
落誰和燕臺擊筑吟

答

青霞

西江客路三年別南海扁舟萬里來握手  
忽驚霜鬢改高懷真為故人開小山桂樹  
長招隱菟苑梅花數舉杯欲向郢門歌一  
曲陽春空自媿非才  
魯仲野守鎮遠寄此為別  
虞階干羽格遐方君綰銅符過夜郎禁闥  
可堪留汲黯郎官猶未老馮唐文情廿載  
空懸榻藝苑千秋已擅場欲折垂楊難握



手故人湖海意茫茫

下擬冬日余德甫方士功過菊下小酌  
過雨茅堂菊未殘歲寒同社一文懽霜枝  
獨傍籬邊秀夜色頻宜酒畔看此日山林  
堪對榻千秋詞賦復登壇狂來任側時人  
目羨爾風流並掛冠

送周子襄守鶴慶

霜落江門樹影稀銜杯惜與故人違天涯

忽漫雙旌遠蜀道爭看五馬歸玄髮豈隨  
時序改丹砂應遣宦情微點蒼千疊孤雲  
外注目遙空一鴈飛

次中方左使滕閣之作

使君彩筆雄江左閣上題詩風雨驚繡栱  
飛雲連樹色朱簾落日擁濤聲乾坤未遣  
憂時念湖海偏懸戀闕情帝子霓旌今已  
遠西山千古尚崢嶸



寄荅况吉夫提學

西曹詞賦重當年轉盼風塵萬事遷  
絳幄談經心獨苦青山仗枕句仍傳  
江門搖落懸霜月雲樹蒼茫各暮天  
病起忽驚秋已盡相思空對菊花筵

瑞鶴堂近稿

歌行

玉門行聞存菴論邊事作

玉門八月秋草黃胡兒飲馬窺漁陽  
塵氛障空不可數旌旗亘日無輝光  
城邊白骨紛如麻長風颯颯鳴悲笳  
椎牛擊鮮歌且飲漢士遙看空自嗟  
請纓投筆俱寂寥何人專閫稱嫖姚  
金湯幸托河山固獨石居



庸拱內朝胡來如風去如電將軍按伏誰  
迎戰甘泉烽火乍明滅捷書屢上蓬萊殿  
吁嗟內帑盡民膏朝輸暮入猶輪轉懸知  
金多可賞死 國典徒聞有成憲  
至尊英明見萬里竭來拊髀厯宵旰肉  
食悠悠幾赤心封事紛紛多白面高大夫  
抱經濟喬木崢嶸挺英裔虬髯玉立真天  
人甲兵數萬蟠甬次文武元兼吉甫才出

入將相男兒事指顧天山不足平叱咤羣  
酋等兒稚聞君話九邊令我心茫然仰思

吾

祖清中原貽謀垂訓何拳拳越今未歷二  
百載蠢爾詎敢揚腥羶抗眉吐膽俱痴頑  
浮沉脂膏時所憐對君且傾一斗酒聽鷄  
起舞雙龍泉

送趙副使備兵井陘



春江二月桃花繁使君握手臨章門絲絲  
弱柳未堪折黯然對酒空銷魂驅車萬里  
指太行征途雲樹含微茫鴈門芳草萋萋  
發歸鴻不盡天山長  
聖帝宵衣軫西北臨軒授鉞登賢良諸軍  
俯受丈人律監儲特遣尚書郎比年債事  
俱下吏旌旗改色兵氣揚羣酋相戒潛河  
套甘泉已息烽火照帑金時復運三邊邊

士猶聞枵腹告使君宿望屹長城行看并  
代烟塵清充國屯田九幾奏龍圖久抱甯  
中兵塞帷况是經行地漢儀快覩焚香迎  
丈夫許國當壯齡燕然早勒千秋名  
哀樵雲族叔四歌  
我所哀兮麗澤堂總帷高拱陳冠裳萬夫  
莫贖心愈傷呼天欲問天茫茫深山大澤  
龍蛇藏羣狐白晝爭跳梁孔鸞塌翼鴟鵂



翔紫蘭委折蕭艾芳嗚呼一歌兮歌初發  
忍聆怨鶴啼林樾

其二

我所哀兮芳樹園秋聲慘淡木葉繁孤烟  
斜日一槎艤淚下不待聞啼猿與君情好  
矢弗諉五日未覲君不言填膺憤世竟莫  
吐悠悠萬事誰共論嗚呼二歌兮歌二闋  
子期既往絃當絕

其三

我所哀兮綠水亭蕙蔭蒼蒼雲冥冥邯鄲  
一夢遽不醒緱山夜月虛聞笙昨年重九  
對君酌奄忽聚散真如萍幾何歲月遂今  
古疇能生死情不更嗚呼三歌兮增永嘆  
悲風萬里吹江干

其四

我所哀兮在玄洲層臺曲榭追昔遊羣書



在几劔在壁耿耿紫氣餘高秋清歌銀燭  
誰獻酬山陽橫吹增人愁天上行題白玉  
樓簫雲馭氣胡能留遺珠盈篋爲君斂千  
秋有待知音求嗚呼四歌兮歌幾和魂兮  
歸來憑楚些

擬張子平四愁寄可亭李丈

我所懷兮在三峨蚕叢萬里浮雲多猩啼  
猿嘯傷如何美人貽我金屈卮何以酬之

珊瑚枝殷勤袖裏三年書西向跪讀增相  
思

其二

我所懷兮在錦城芙蓉千樹高霞生秋風  
摧落難爲情美人貽我綠綺琴何以酬之  
瑤華音悠悠山水高復深愛而不見增憂

其三

其所懷兮在



瑞鶴堂近稿 五  
我所懷兮在劍門龍峩疊嶂日月昏登高  
騁望搖心魂美人貽我集翠裘何以酬之  
雙吳鉤含心申意空綢繆目眇眇兮增余  
愁詩其四 計美人銀海動勝春以何之  
我所懷兮在玉臺天梯石棧凌崔嵬道遠  
阻絕令人哀美人貽我明月扇何以酬之  
金雀硯出入懷袖不忍指覽茲霜露增永  
嘆

瑞鶴堂近稿

絕句

至日值明卿使至因賦二絕寄之  
風江萬葉下漫漫雲色蕭條歲欲殘多病  
不堪鷓鴣列卧看龍劍斗牛寒

其二

五老峰頭幾放歌美人無柰別離何書雲  
忽憶十年事江上形容短髮多



答

川樓

宮亭湖上轟芙蓉雪後仍登五老峰只恠  
落星寒自動故人遥夜倚雙龍

寄梁僉事

昨夏行厨洗玉卮清秋重寫寄君詩碧鷄  
千嶂停雲外南北兵戈况爾思

其二

落日江門獨倚樓翩翩驄馬遠乘秋昆明

尺素應稀少何日尊前賦壯遊

對月有感

萬戶婵娟秋更清九霄靈液渺金莖關山  
此夜情無限不待高樓橫笛聲

登明遠樓懷明卿

獨立飛樓倚太虛故人西去渺愁予楚天  
萬里餘雙淚落日誰傳江上書

四懷四首并序



嘉靖壬寅夏四君逃暑予館中追擬  
萬里河朔權焉爰各賦詩三章哀為一帙  
離立王子長云星堂聚五賢紀主賓也距  
今十七載矣山川旣逝存歿間之每  
少原之思  
白髮歸來三徑荒孤城落日戰雲黃懸知  
得句兵戈裏萬里秋風一草堂

孫郭南僉事

漢廷疑獄不堪論未老投簪盡主恩欲  
訊山陰無使至風流耆舊幾人存

何沅溪叅知

子長豪氣九州橫睥睨平津閣上名宿草  
只今迷白壁西風鄰笛不勝情

王同楚少叅

白草黃雲萬里寒何人生入玉門關書生



未有封侯骨策蹇長吟勝據鞍

蘇舜澤提學

只今會劉生世儒聞海樵遊金陵消息因

寄二首

披圖忽見雪湖梅虛訝山陰驛使來何事

故人無一字月明空對豫章臺

其二

龍蟠自古帝王州二水三山總壯遊悵望

暮雲千樹隔片帆何日掛清秋

月夜懷于韶二首

月滿中天玉露浮思君應上紫薇樓胡床

長嘯何人侶獨對西山萬仞秋

其二

江上浮雲片片開城隅畫角不勝哀眼中

秋色誰堪賞乘月期君孺子臺

卷六

六亭



忽矣中秋去居然夙約違章江千樹落滄  
海萬鴻歸誰復揮文酒君能聽羽衣相思  
湖水隔不分桂花飛  
坐遣銀橋失空令玉笛聞君心自明月余  
意豈浮雲砧杵秋聲亂星河夜色分終應  
抱瑤瑟來醉白鷗羣

月夜二絕

片月高懸玉宇秋銀河泛影白雲流何人

抱瑟滄江上一曲翻令帝子愁

其二

千家砧杵急秋聲咫尺婵娟萬里情最是  
素交俱寂寞不堪長笛月中橫

湖上訪友人不遇

湖上秋風揚素波幽栖偏占白雲多千林  
斜日空回首隔岸猶聞款乃歌

其二



竹扉深巷謝塵氛  
烟水蒼茫白鳥羣  
乘興何須見安道  
蘇亭落木自紛紛

寄環浦丈二首  
海天烽色散黃雲  
靜結中林鹿豕羣  
何事東山老安石  
蒼生憔悴不堪聞

其二  
高枕青山歲月長  
知君幽意到羲皇  
向來飛白今能否  
何日雙魚寄草堂

五嶽吟八首贈張山人

百尺龍沙雪色齊  
孤帆遙掛大江西  
高歌共爾滄洲上  
一夜青天落紫霓

其二

東瀛萬里接蓬萊  
矯首璇霄五色開  
自天門逢玉女  
瑤漿分得紫霞杯

其三

仙掌晴虹射玉蓮  
峻嶒二華亘西天  
知君



已受九節杖，拊石長吟白帝篇。

其四

百川南折楚江分，振鳥高攀八柱雲。七十  
二峰題不盡，朱陵寒色鎖氤氳。

其五

策杖中天白玉京，雲開二室鬪崢嶸。丹霞  
定挹浮丘袂，明月頻聞子晉笙。

其六

并鎮高臨黑帝宮，朔雲寒擁萬山雄。千年  
神草無人拾，夜夜瑤光燭太空。

其七

踏遍千峰興未闌，又携白鹿彩雲端。不緣  
却粒紅顏駐，袖裏芙蓉片片寒。

其八

贈我匡山五老篇，縱橫星斗墮尊前。他年  
覓得金光草，共跨茅龍謁洞天。



寄歸德羅使君四首  
白簡生風侍建章  
忽乘五馬向睢陽  
中原落日遙回首  
攬轡于今說范滂

其二

使君高誼獨凌羣  
萬里題書意更勤  
况是玉皇香案吏  
南方千騎鬱如雲

其三

梁園脩竹幾經過  
王屋天壇興若何  
紫馬

斑春仍問俗漢庭  
良吏復誰多

其四

風塵領郡獨褰帷  
枹鼓無聲竹馬隨  
海內幾人稱長者  
循良重結帝心知

即事四絕

四十一年夏苦雨為災父老云自元載壬午後僅見

此水也

朝雲千里昏鳴雨  
夕未輟天時復如此  
兀坐增煩結



比屋猶懸罄斯民實可哀更能堪墊溺况  
有客兵來

楚楚擁華軒日有羨金入歲月事交征何  
人憐菜色

可是忘機者羣鷗日日過坐看平陸失何  
處不風波



